



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Quod Monasterio liceat suas Ecclesias Parochiales inofficiare, & indignos
reuocare.

urn:nbn:de:hbz:466:1-13591

benedictionem. Solet annuere sedes apostolica piis votis & honestis petentium precibus fauorem beneuolum impertiri. Sane sicut ex parte vestra fuit expostitum coram nobis, cum venerabilis frater noster . . . *Patau. Episco.* Ecclesiam S. *Mariae de Slag* de voluntate patroni eiusdem Ecclesiae Capituli sui accedente consensu vobis pie ac prouide duxerit conferendam, in ea secundum *Præmonstraten.* ordinis instituta Domino seruituris, nos vestris precibus inclinati quod per eundem Episcopum super hoc prouidè actum est, auctoritate apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attemptare presumpserit, indignationem omnipotentis Dei & beatorum *Petri & Pauli* Apostolorum eius se noverit incursurum. Datum *Lateran.* IV. Non. April. Pontificatus nostri anno V.

De redditibus *Hall* ab Episcopo *Babenberg.*

E*V*erhardus Dei gratia *Babenberg.* Episcopus *Rudolfo Hallensi* omne bonum. Mandamus vobis sub obrentu gratiæ nostræ, vt quod de villicatione vestra fratribus nostris debetur, iuxta quod in presenti charta notatum est, certo deinceps tempore quod vobis & ipsis complacuerit sine contradictione persoluatis, singulis IV. claustris his que hic notata sunt, charta nostro sigillo signatam commodaauerimus, vt huius nostræ constitutionis ipsi fratres nostri testes sint: Quorum utilitatibus hæc bona nos & beatæ memoriæ prædecessores nostri *Otto* videl. & *Eilbertus* Episcopi prouidimus, *Rudolfus Hallensis* & vxor eius *Irngart*, persoluunt vt constitutum est IV. claustris s. *Aspach, Osterhouen, Bruuiningin* omni anno vel sex tal. & dimidium vel quantū salis pro hac pecunia dare debetur. Quarū rerū distributio talis est. Ad *Aspach* persoluunt vnum tal. vel VIII. carrat. salis, Ad *Alderspach* X. sol. vel X Carr. salis. Ad *Osterhouen* XII. sol. aut totidem Carr. salis Ad *Bruuining.* XX. sol. vel totidem Carr. Salis, sexaginta dn. qui super sunt de prædicta pecunia ad ius villie pertinent.

De Capella infra turre.

Notum sit Christi fidelibus nunc & in futuro *Otto* beatæ memoriæ Dei gratia *Babenbergen.* Episcopus; Capellam quam in honore S. *Mariae* construxit & dedicauit circa an. Dn. M. C. X. S. *Margareta* feliciter & humiliter pro animæ suæ remedio contulit, eum omni totali beneficio, quatuor mansus, & tertiam partē vnius mansus. Insuper dimidium mansum *Osterhouen. fratrib.* in eodem loco Deo militantib. proprietauit, quem Sacerdos quidam *Engelgiz* præsens pro beneficio habuit. Addit etiam his dimidium mansum *Maegnig.* ad anniuersarium obitus diem *Hezli Ducis*, dimid. tal. *Wintzer.* & dimid. de *Osterhouen* duos mansus & dimid. in honore S. *Margaretae* assignauit, vt annuatim eius memoria pie & honestè condicatur & locum quendam iuxta *Goffenpach.* Item addidit mansum *Rupert* de *Lintzing* ad idem altare seruiendum.

Quod Monasterio liceat suas Ecclesias Parochiales in officiare, & indignos reuocare.

Vniuersis præsentis litteras inspecturis. *Milo* miseratione diuina *Suesion* Ecclesiae minister humil. Salut. in Domino. Nouerint vniuersi quod nos anno Domini M. C. C. LXX XIII. Die Mercurij post festum beati *Dyonisij* litteras infra scriptas vidimus, & diligenter de verbo ad verbum inspeximus, tenorē qui sequitur continentes. *Alexander* Episcopus seruus seruorum. Dei. Ven. fratri;

fratribus, Archiepiscopis & Episcopis ad quos litteræ istæ peruenerint, salutem & apostolicam benedictionem dilecti filij Abbas *Præmonstrat.* & alij Abbates sui ordinis coram nobis exponere curarunt, quod cum canonici eiusdem ordinis comorantes in parochialibus Ecclesiis ad ipsos spectantibus, aliquo casu delinquerent, ita quod expediret eos ad claustrum suum recepturos disciplinam ordinis reuocari. Quidam vestrum indignum fauorem impendentes eisdem, ipsos retinere conantur in locis in quibus nequeunt absque scandalo & ecclesiarum ipsarum dispendio comorari. Ad hæc cum in eorum aliquos propter suos excessus excommunicationis sententiã prouulgatis, relaxare non uultis eandem nisi pœna pecuniaria præcedente. Ideoq; vniuersitatẽ vestram ad instar bonæ memoriae H. PP. prædecessoris nostri rogandã duximus & mouendam per apostolica uobis scripta mandantes, quatenus cum dicti Abbates tales ad claustrum propter scandalum & ecclesiarum dispendiũ euitandũ, seu etiam pro disciplina monastica, circa delinquentes huiusmodi exercenda duxerint reuocandos non obstitatis eidem, nec illis fauorem indebitum impendatis, sed instituentes prout ad uos pertinet, in ipsis Ecclesiis alios uobis præsentatos ab ipsis delinquentes reuocari, ad claustrum liberè permitteatis disciplinam ordinis recepturos ne aliter faciendo tribuatis eis audaciam detractandi obedientiæ iugum & ipsorum Abbatum potestatem quodammodo enuetis. Illud autem distriktius inhihemus, ne pro relaxandis excommunicationis sententiis prouulgatis in ipsos pœnam pecuniariam exigatis, cum nec habeant proprium, nec illorũ culpa debeat in Ecclesiæ dispendium redundare. Datum *Agnania* IV. Non. Nouembris. Pontificatus nostri anno secundo.

De quadam uinea in *Chrems.*

NOS Capitulum *Pat.* Ecclesiæ per præsens scriptum notum facimus vniuersis, tam præsentibus quàm futuris. Quod fratres de *Osterbouen* habuerunt uineam incultam in monte qui dicitur *Pfassenberg.* Vineam illam *Otto* inclusus suscepit excolendam in remissionem peccatorum suorum, tali tamen interposita conditione, quod vnam uinam vini eo uiuente claustro præfato singulis annis persoluere non obmittat uinea de eadem. Præterea prædictus *Otto* habuit uineam uinea fratrum prædictorum contiguam, quam præfatis fratribus de *Osterbouen* post diem obitus sui tradidit diuinæ remunerationis intuitu, ut in festo *B. Osuualdi*, ipsius & uxoris suæ *Irgardis* memoria annis singulis celebretur de prædictarum fructibus uinearum. Ut autem testamentum illud ratum sit, & prædicti fratres securi esse possint à suorum impulsatione amicorum, *D. Engelschalcus* Iudex, *Heinr. Goltstein Chunr. Setzer* ciuis *Pat.* prædictis fratribus de *Osterbouen* pro *Ottone* incluso fide iusserunt. In cuius rei testimonium præsentem paginam tam nostra quam prædictorum fratrum de *Osterbouen*, sigillis fecimus roborari.

Precarium in *Entau.*

Albertus Dei gratia Comes de *Pagen*, omnibus hac litteras inspecturis, salutem & plenitudinem omnis boni. Notum facimus præsentibus & futuris quod Curiam vnam in villa *Satsdorf* tradidimus Ecclesiæ sanctæ *Margarete* in *Osterbouen* perpetuo possidendam. Præterea nouerint vniuersi quod fratres præfate Ecclesiæ Curiam in *Entau* uel *Marquardo* Magistro pistorum commiserunt, ut annuatim eis soluat inde censum constitutum, ita tamen ut eo decedente nullus hæredum, nullus amicorum suorum, aliquid iuris habeat in Curia.